

AFIOGA AKIEPIKOPO PAUL

6 Setema 2023



Talofa Lava

Ua ou tusi atu i lenei aso o le fa'amanatuina o le 30 tausaga talu ona avea a'u ma ositaulaga. Na fa'au'uin a'u i Hastings i le Kolisi a Sagato Ioane le aoauli ose aso To'ona'i timu tele. O le falesa a la matou palisi o le Finagalo Pa'ia sa mu ma fa'aleagaina i le lua

tausaga i luma atu. O Epikopo Peter Cullinane na fa'au'uina a'u. Sa lē atoatoa lona malosi i lea taimi ona o ni fa'aletonu i lona fatu, ma sa lē mailoa pe e mafai ona ia patipatia le fa'au'uga.

Na fa'au'uina a'u o se sulii o le Sosaiete a Maria, ma na ou lagonaina lo'u vala'auina i le 'au'aunaga o le a'oa'oina. O la'u galuega lenā mo le luasefulu tausaga na mulimuli mai ai. Ina ua amata la'u galuega o le faia'oga o a'u o se tasi o le to'a fasefulu Malisi sa faia'oga i a'oga o lo'o salalau i le atunu'u nei. Ina ua uma mai a'u mai St. Patrick i Ueligitone i le 2013 ua toe to'alua le au Malisi faia'oga o lo'o totoe.

I lenei aso ua ou tomanatu ai i mea na mana'o le Atua iā a'u i nei 30 tausaga. E le'i fetau ma mea sa ou mafafau i ai. O tausaga nei o le tele o suiga. O le tele o mea sa masani ai ua mou atu, po le 'au'aunaga fa'alelotu, nofoaga po o tagata. Ua fa'amanatu mai ai iā te a'u o mea ua i le loto o lenei olaga o la'u vafeagai ai lea ma le Atua ma isi mau mea ua fa'aofi mai ai.

Ou te avatu le fa'afetai i le matagofie o tagata uma sa ou feiloa'i atu i ai i nei mau tausaga, latou sa fa'amanuiaina a'u e 'au'auna atu i ai ma fa'apea i latou sa faia mo a'u. Ua ou fa'alogoina se fa'amanuiaga na maua i nei tausaga e 30.

E pei o olaga uma ua i ai taimi o le fiafia tele, o nisi ua na o ni galuega fai so'o ma le masani, ma taimi o le tauiviga. O mea masani na ma e fa'amoemoeina. O tatou ta'ito'atasi ua i ai le su'i fefiloi 'ese'ese o na elemene i o tatou olaga. O le mea ua ou iloaina o le olaga lenei ua tu'uina mai iā te a'u se mafua'aga moni ma o lena o le mafutaga lea ma le Atua, fafagaina e lana

Upu ma Sakalameta, ma lagolagoina e le fa'apotopotoga o le 'au fa'atuatua ua mafai ai e a'u, se'i o'o mai lenei taimi, ona fa'aauau pea ona fai atu ioe i mea ua talosaga mai ai iā te a'u.

Afai o i ai ni ou fa'anoanoaga i nei 30 tausaga o le to'atele sa ou iloaina ma galulue fa'atasi ma alofagia e le'i mauaina lenā potopotopotoga o le afio ai o le Atua i o latou olaga, po o le mauaina o lenā lagolagosua, po o le nofoaga i lona tino, le Ekalesia lea. Ou te fesili lava iā a'u pe i ai se isi sili atu sa mafai ona ou faia, po e mafai ona faia nei, e fa'aailoa atu ai le fiafia i le ola ai i lenei olaga Kerisiano i totonu o nei fa'apotopotoga Katoliko? O se mea lenā e fa'auau ai lava ona ou tomanatu i ai ma fesiligia lava a'u, fa'atasi ai ma le tu'uina atu i luma o le Ali'i i tatalo.

Ua ou iloaina i le uma ai o le 30 tausaga ua ou mana'omiaina tele le Atua. Ua sili atu fo'i lo'u iloaina le malosi o tatalo ma le tomanatuga. Ua fa'ate'ia a'u ona o le tulaga e lē mafai ona e avatu se mea e lē o iā 'oe, o le mea lea a ou mana'o e fa'asoa le Tala Lelei ona ou tu'uina atu lea e pa'i mai ma foafoaina lo'u loto ma lo'u olaga. Ua ou talisapaia tele nei lo'u fa'amoe-moega i le Atua ma lana kalasia ma le taūa o isi tagata Kerisiano mo le lagolagosua i le ola ai o lenei olaga.

O tatou ta'ito'atasi e 'ese'ese faigā malaga o le fa'atuatua. Ou te fa'afetai tele ai i le Atua mo ana fuafuaga mo a'u ma o latou uiga i lo'u olaga. Ou te tatalo mo outou ta'ito'atasi iā outou malaga o le a outou iloaina le mana o le Atua i o outou olaga, ma o le a outou mauaina iā outou fa'apotopotoga o le fa'atuatua se nofoaga e mafai ai ona e vivi'i ma tapua'i i le Atua ma maua le lagolagosua i le ola ai o lenei olaga.

Fa'amanuiaga, le filemū ma le kalasia ale Atua iā te outou.

Iā Keriso

+Paulo

Sagato Ikenasio o Anitioka

Epikopo ma le Maletile (maliu 107?)

Na fanau i Syria, o Ikenasio na liliu i le Fa'akerisiano ma na mulimuli ane na avea ma epikopo o Anitioka. I le tausaga 107 o le tupu o Trajan na asiasi atu i Anitioka ma fa'amalosia Kerisiano i'inā e filifili i le oti po o le aposetata. Sa le mana'o Ikenasio e fa'afitia Keriso ma na fa'asalaina ile oti i Roma.

Na lauiloa Ikenasio mo tusi e fitu sa ia tusia i le malaga umi mai Anitioka aga'i atu i Roma. O le lima o nei tusi na tusia mo Ekalesia i Asia i Sisifo; sa u'una'ia Kerisiano i lea vaega ina ia fa'atu-atua pea i le Atua ma usita'ia o latou ta'ita'i. Sa ia lapata'ia i latou i a'oa'oga pepelo, tu'uina atu ia i latou le moni atoatoa o le fa'atuatuaga Kerisiano.

O le tusi lona ono na avatu ia Polycarp, le epikopo a Smyrna, na mulimuli maliu maletile mo lona fa'atuatua. O tusi mulimuli na 'ai'oi atu i Kerisiano i Roma e 'aua ne'i taumafai e taofia lona maliu maletile. "Pau le mea ua ou talosaga atu ai iā te outou o le tu'uina mai a'u e ofo atu le fa'asa'olotoina o lo'u toto i le Atua. O a'u o le fatu a le Ali'i, ia fasia a'u e nifo o manu fe'ai ina ia avea o le falaoa imakulata a Keriso."

I le tausaga 107 na feagai atu Ikenasio ma le loto tele i liona i le kolosia.

MANATU: O le popolega tele a Ikenasio o le tu'u fa'atasia male maopoopoga o le Ekalesia. Ae na sili atu o lona fa'anaunau e puapuagā fa'amaletile i lo le tineia o lona Ali'i Iesu Keriso. E lē o ona lava puapuagatia na tosiga atu ai e Ikenasio le va'ai, ae i le alofa o le Atua na fa'amalosi'au iā te ia. Sa iloaina le tau o le ta'utinoga ma e le tineia Keriso, e o'o lava i le fa'asaoina o lona ia ola.

EVAGELIA A MATAIO

Mataio 4: 12 – 24. O Galuega amata i Kalilaia

O Iesu o lea ua toe fo'i atu i Kalilaia ma amata lana misiona o le a'oa'o atu ma fa'ailoa lana galuega fa'amaloloina o le taimi o le fa'amesia ua taunu'u. Sa ia folafolaina e lē o ia, le mesia, ua sau ae o le malō o le lagi ua latalata mai. O le malō o le lagi – e moni 'o le Atua' ona 'o le lagi' ua na o se fa'iga fa'aaloalo Iutaia e lē fa'aogaina ai le igoa mamana – o le autū lea o lana tala'iga; i le ulua'i misitelio o lona uiga na matala mālie mai. I se tasi o manatu ua uma ona sau iā Iesu ma o latou sa mulimuli iā te ia sa mafai pea ona tatalo o le a sau ona e le'i ausia atoatoa lava. E lē o se vaega o le paoa ae vaivai; ua folafolaina ae e le'i maitauina. E lē o se malō fa'ateritori ae ua i ali'i, ma e so'ota'i i se fa'apotopotoga va'aia. O le pule atoatoa ale Atua i tagata, ae o sulii o le malō ua a'afia ai i'a leaga fa'apea i'a lelei. E lelei le toe fa'afoua o mea sa fofou e aumai e le Mesia, ae e itiiti lava ua va'aia na suia ai. Ona o le malō o le ulua'i mataupu i a'oa'oga a Iesu, i le tele o auala o le ogatotonu lea, o se fa'alapotopotoga e tele ona itū o lo'o saisaitia ai le tele o elemene ile malamalama'aga i le fa'akerisiano.

O se tasi o vaega māta'ina o nei gaioiga muamua a Iesu ua ia amataina vave se fa'apotopotoga. O le malō e lē o i totonu po na'o mo ia, ae mo tagata uma. Mai le vala'auina o ulua'i so'o ua tatou iloaina mai ai se uiga o le natura o le malō, aemaise tali mai lenei fa'amatalaga e lē o taumafai e foliga mai e moni i le olaga (po o lo latou feiloa'iga muamua 'ea lenei ma Iesu? E le'i fai mai 'ea po o lea le mafua'aga ua latou mulimuli atu ai iā te ia?), ae o se fa'ata'ita'iga o se ituaiga o fa'aailoga o fa'amatalaga e tupu i nisi o taimi i le evagelia, tu'u fa'atasia ma ona mea tāua fa'atelosia. O le fa'aso'oina iā Iesu e a'afia ai le mulimulita'i iā te ia, i le tali atu i lana vala'au (latou ua ofoina atu i latou lava ua lē talia). O le tali e tataua ona fai sa'o mai, 'i le taimi nei' ma atoatoa: tu'ua a latou upega...le va'a ma a latou tamā'. O mana'oga a le malō e fa'amaoni.

EVAGELIA A MATAIO

O le lauga iluga o le mauga Mataio 5: 1 – 7: 29

Mataio 5: 1 – 12 Fa’amanuiaga

Mai i fa’aupuga e tetele e lima a Iesu ua aumai e Mataio o nei vaega ta’itasi ua fefa’ataua’i lelei ma se vaega e tasi o a’oa’oga ale Ali’i. O Mataio ua sili atu le lelei o le fa’avasegaina i lo Maleko po o Luka ma ua fa’aogā ni fa’aupuga e ‘ese’ese i mataupu e tutusa mai puna’oa uma ina ia tu’ufa’atasia i latou i se faiga tutusa. O le mea lea o aofaiga muamua ua aumaia ni a’oa’oga i tulaga masani o le avea ma sulii o le malō ma e aofia ai se ituaiga o fa’aaliga muamua o le malō.

O le amataga o fa’aaliga ua aumai ai ni folafolaga ogaoga o ai sulii o le malō – ‘ona o latou e ana le malō o le lagi’ le i’uga o le ulua’i ma le fa’amanuiaga mulimuli. I se Iutaia amioatua o nei fa’aupuga ua aumai sa’o o ni tautafa’aleaga: leai se mea na sau mai iā Aperamo? Leai se e uiga i le tulafono, totogiina o sefulua’i, ‘alo’ese mai le ‘au lē mamā, tausia o le sapatu? Afai lava e i ai nisi faiga, o le lomiga tuai a Luka o lo’o tumau lona malosia ma e sili atu lona tautafa’aleaga. Mo Mataio na ia fa’alauteleina ma tau fa’amatala a’oa’oga e tataua ona faia e latou ua mulimuli iā Iesu. A’o Luka ua tele i se folafolaga o le ‘au fa’ate’aina ma le au fa’afitauli o le sosaiete o latou e āna le malō: Amu’ia outou ē matitiva; auā e o outou le mālō o le Atua; amu’ia outou e fia ‘a’ai nei; auā e mā’o’ona outou; amu’ia outou e tagi nei; auā e fe’atai outou.

Amu’ia outou pe a itagia outou e tagata, pe a fa’ate’a’eseina fo’i outou ma fa’aleagaina e i latou, ma lafoa’iina lo outou igoa, pei o se mea leaga, ona o le Atali’i o le tagata (Luka 6: 20 – 22).

Ona mulimuli mai ai lea o le tu’ua’iga a latou ua fa’amalieina ma le manuia e lē mana’o i se mea ma o lea e lē o sa’ili i le mālō. O le fe’au a Luka o lo’o faia aga’i iā i latou ua itagia ma te’ea e latou ua ta’ua o ta’ita’i fa’alelotu a Isaraelu. Ae o le fe’au a Mataio o lo’o fa’alaua’itele mai: o tulaga e mana’omia ina ia avea ma sulii. Ua ia fa’amatalaina o le mativa e lē lava lea; e tataua ona i ai se uiga o le mafaufau ma le galala e lē na o me’ai ae mo ‘mea e moni’; o ana fa’amanuiaga ua tu’uina mai ai se uiga o le tatala atu ma le taliaina, malamalama i le lē atoatoa ma le mana’omia o fesoasoani. Ona fa’aopoopo lea e Mataio o fa’amanuiaga ua mana’o i galuega lelei, fa’aalia – e pei ona ia masani ona fa’amamafa maia i lana evagelia – o le alofa ua fa’aalia mo le Atua o le autū o le alofa i lou tuā’oi. O le alofa ua sili ona fa’amatalaina o se vaega e tutusa mo le leai o se malosia ma le au Farasaio tautafa’aleaga na tu’ua’ia. Filemū, e masani o le fa’afeiloa’iga fa’a-Iutaia ua avea ma upu ‘autū a Kerisiano, le pese a agelu i Petele’ema, o vaega a le evagelia na auina atu le au aposetolo e tala’i atu ma le fa’amanuiaga ta’ua na vala’auina e Paulo i ana tusitusiga; o lenei o le fa’amanuiaga o latou e fa’atupuina le filemū

4

Mataio 5: 13 – 48. Fa’aleleia atili o le Tulafono tuai

I le mae’a ai o le tu’ufa’atasia o nai fa’aupuga ogaoga e uiga i le galuega o le fa’amisionare a Kerisiano o le masima ma le malamalama o le lalolagi iā latou fa’ata’ita’iga lelei, ua aumai e Mataio se fa’ata’ita’iga pe fa’a’apefea iā Iesu ona aumai le fa’amagaloga tuai i lona lelei atoatoa. O se sini lenei na aumai i lana evagelia, ma o i’inei o lo’o fa’aogā i a’oa’oga a Iesu e uiga i le Tulafono i amioga lelei i ni fa’asologa o ni faiga fa’afeagai e ono i le va o mana’oga ale tulafono tuai ma mana’oga mana’omia tele a Keriso.

O le auala ua tu’uina mai ai a’oa’oga o se masani Iutaia: muamua, sa ia amata i se mataupu fa’avae lautele ‘afai o au vituti e lē loloto i lo le au tusi upu ma Faraisaio...’ ma mulimuli mai ai ni fuainumera o le fa’aogaina ai; i le va’aiga fa’aarapi, ua ta’ua o ‘sulii’ ma ‘tua’ā’. Lona lua, ‘sa e fa’alogo pe fa’a’apefea ona aumai’ o se faiga masani mo fa’auigaga masani e toe fa’asa’oina; pau le ‘ese’esega o le ta’ua: e le’i tu’uina mai lava e le au Rapi se fa’aliliuga fou o a latou lava pulega ae masani ona fa’amoemoe i ni upu tu’u masani. Ae o Iesu na toe liliua lenei, tu’uina atu ma le loto toa o lana ia fo’i pule i le ‘au ta’ita’i o tu masani: ‘Ae ou te fai atu lenei iā te outou’; o le mea lenei na maofa ai lana au fa’alogologo ‘auā ua ia a’oa’o iā te i latou e pei o se ua i ai le pule, ‘ae lē pei o le ‘au tusi ‘upu’ (7: 29). E lē o fa’a’apea mai na avatua e Iesu lava ia a’oa’oga uma lava i se taimi e tasi, po se faiga tataua ai e pei o lea; mo se fa’ata’ita’iga na manino ona aumaia e Mataio ni

EVAGELIA A MATAIO

vaega o a'oa'oga i le fa'aipoipoiga malepe mai le tala o se mea na tupu sa ia fa'atatau i le 19: 1 – 9. Sa ia fa'amaopopoina mai fa'ata'ita'iga ina ia fa'ata'ita'i le 'suli' o lo'o tu i le fa'auiuluga o lea vaega.

O mana'oga a nei fefulisa'iga ua ufiufi ai nisi o mataupu, ae o lo'o i lalo lava o le alofa sili a le tua'oi a isi. Muamua fuafua gaioiga o lo'o fa'amatala mai ai le leai o se alofa, ma le fa'amama-faina o le fa'aauuina o le alofa ua mana'omiaina e latou o lo'o mulimuli iā Keriso. O lenei sa va'aia lelei e tagata Iutaia ma na fuafuaina lenā o se tiute e manatu i isi o ni tagata ua te'ea e le sosaiete; o le avatu o le alofa i tagata uma o se faiga fou a Keriso lava ia. O le autū atoa lenei a fautuaga mo amioga lelei a Mataio: ua tu'u fa'atasia uma ai poloa'iga ua molimoli mai i le alofa o le Atua, ae o le leai o lenei faiga ua tu'ua'ia ai le au Farasaio ma le au tusiupu, ma o lenei manatu fa'apitoa na vaevaaina ai tagata i le fa'amasinoga mulimuli. O le mea lea, o lenei lelei atoatoa na manatu i ai Mataio ina ua ia fa'ai'uina fa'apea: 'lenei ia atoatoa ona lelei o la outou amio e pei o lo outou Tamā o i le lagi e atoatoa ona lelei o ia' ..*fa'auua pea*..

Sagato Mataio ma le suafa o Iesu

I le mataupu mulimuli a lana Evagelia, ua tu'utō i le Toetū, e fa'alima ona vala'auina e Mataio Iesu i lona igoa na fa'aigoaina ai o ia i lona fanau mai: 'Iesu' (Mataio 28: 5, 9 – 10, 16, 18). O isi Evagelia ua vala'auina le Tasi na Toetu e le gata o 'Iesu' ae fa'apea le suafa 'Ali'i' (Luka24: 34; Ioane 20: 13, 18; 21; 7, 12, 15 – 18, 20 – 21). I lana mataupu o le Eseta, e ui i lea, o Mataio na fa'aoga so'o le igoa o 'Iesu'. O Mareko na tutusa ma Mataio, ua ta'ua na o 'Iesu' i lana mataupu pu'upu'u i le Toetū (16:6).

I le va'aiga lautele ole au tusitusi a le Feagaiga Fou o lo'o manino lelei ona aumai le lagona o le mulimulita'i i le manatu alofa a Mataio mo le tu'uina o le igoa o 'Iesu' i le Keriso Toetū; ua ia tumau pea mo i tatou se'ia uma le tala'aga a le tagata (Mataio 28: 20). O tusi e luasefulufitu a le Feagaiga Fou ua tautala iā 'Iesu' pe lata i le tasi le afe o taimi, faigofie o le tasi o auala ua fa'asino so'o ai iā te ia.

O le tatalo a le tauaso o Patimaio, 'Alo o Tavita, Iesu, ia e alofa mai iā te a'u' (Mareko 10: 47), ua fesoasaoni i le igoa o Iesu e ola ai i tatalo a Kerisiano. O Kerisiano i Sasa'e na fa'aogaina upu a Patimaio e fausia ai le latou 'Tatalo a Iesu' ua lauiloa ma le ta'uta'ua. I le vaitau o Europa o tau-saga ogatotonu sa fa'amanuiaina e se fa'aliliuga mata'utia le matagofie sa faia e se tasi e le'i fa'aילוaina maia lona suafa, *Jesu dulcis memoria* na fa'aliliuina e se tasi e fa'apea: (Iesu e, o le manatu lava iā te oe/ ua fa'atumulia ai lo'u fatafata i lona suāmalie/ ae ua sili ai le suāmalie i le va'ai i ou foliga/Ma i lou afio ai malolō'). O Sagata Pelenatete o Siena na fa'alauiloaina le tu'utoina i le Suafa Pa'ia o Iesu i le fa'alauiloaina o le fa'apu'upu'uina po o le fa'aailoga –tau - fefa'atauaiga IHS, fa'aoga ai mata'itisi muamua e tolu o le igoa o 'Iesu'. O lenei fa'aailoga, e mai le seneturi lonalua, ua fa'aoga laua'itele e Kerisiano ia latou tusitusigā āta.

I le fa'aosofiaina e Pelenatete, e to'atele Kerisiano ua fa'aogaina le igoa o Iesu ua tusia i luga o a latou faitoto'a o a latou fale. E tatau fo'i ona tatou manatuina le faiga na fa'aali ai e Sagato Ikenasio o Loyola (maliu 1556) se tu'utoina loloto i le igoa o Iesu. I le fa'amatalaga o le misitelio o le olaga a Keriso mai le aso muamua Ianuari na ia a'afia ai le *Fa'atinoina Fa'aleagaga*, sa ia fili-filia ai le fa'aigoaina o Iesu: 'O lona Suafa ua fa'aigoaina o Iesu, na fa'aigoaina ai o ia e le agelu ae le'i foafoaina o ia i le manava'. O Ikenasio e le'i muta lava lona fa'apelepeleina o le igoa na tu'uina atu i le Keriso le Tamaitiiti.

I le Fa'atinoina Fa'aleagaga, ua fautuaina mai e Sagatao Ikenasio ni tusi e faitau. O le igoa o se tasi o nei tusi ua fa'aliliuina – Fa'afoliga ia Keriso (imitation of Christ). O se tasi o ana fa'aupuga ua aumai atoa ai lena fe'au fa'atatalo: o le fa'atasi ai ma Iesu o se parataiso matagofie. Na fa'aalia

Sagato Mataio ma le suafa o Iesu

e Ekenasio lona alofa naunauta'iga mo le igoa o Iesu. I lona fiafia tele na ia fa'aigoaina ai le mafutaga sa latou fa'avaeina i se fa'apotopotoga fou fa'alelotu 'o le Sosaiete a Iesu.'

I le mae'a ai o lona maliu, na teuina Ikenasio i Roma, e lē i se falesā ua fa'aigoaina iā ia, San Ignazio, ae i se falesa ua fa'aigoaina iā Iesu: o le *Chiesa del Gesù*, o le Malumalu a Iesu. I lona falesa, ua mafai ona va'aia pea i puipui ma le tualuga le fa'ailoga lea mo le suafa o Iesu, IHS. O latou e tutū ai ma tepa a'e i luga ma faitau le aofa'i o le mauaina IHS e ova atu ma le 130 le aofa'i i luga o le tualuga ma puipui. O le fa'ailoga ua fa'aosofiaina ai le alofa mo le igoa pa'ia na ola ai Ikenasio ma sa ia fa'aosofiaina ai le to'atele o isi.

O le tapua'iga i le Suafa Pa'ia o Iesu, ua 'ese mai ai ua lē na o Katoliko, ua olaola fo'i i isi talitonuga pei o le au fa'aevagelia ma isi. O sē sa a'afia i le faiga o le fa'atau pologa na avea ma se na ta'ita'ia le faiga e soloia 'ese ai le fa'asalaga i le oti ma o se tala'i fo'i o John Newton (1725 – 1807), na tusia se pese sili lona lauiloa, 'Amazing Grace'. Ae 'aua fo'i ne'i o tatou fa'agaloina isi galuega matagofie sa ia faia, 'Le matagofie o le Fa'aleoina o le Suafa o Iesu'. O le suafa o Iesu na suia ai lenei ali'i o John Newton mo le fa'avavau; ma sa ia iloaina e mafai e lenei igoa ona fa'aleleia le malamalama o le anoanoa'i o isi.

E tele lava manu'aga ua lē mafaitaulia i fale Kerisiano i aso nei – ae maise o fa'alavelave o le fa'amasinoga sauā e mataupu polokiki a le Ekalesia. O ni talanoaga i le fa'aaloalo ma le loto malie e masani ona fa'aletonu. Ua suia e upu malolosi ua o'o lava i le itagia.

E leai se isi mea ua sili atu lona fa'aleleia o lenei manu'aga i le olaga o le Ekalesia i lo le suafa o Iesu. O Mataio ma isi tusa tala o le Feagaiga Fou na fa'apotopototo fa'atasi i le suafa o Iesu. Pe tatou te lu'itauina se fa'amalologa ma se fa'aleleiga i le tu'utoina Fa'akerisiano i le Suafa Pa'ia?

6

O Iesu o le Ali'i; Iesu o le Tupu; Iesu o lo tatou aofiaga uma lava. E leai se mea e sili ona fiafia ai Iesu i lo tatou pesepesega i tatalo i lona suafa pa'ia – pe o ni pese lotu, le Tatalo a Iesu, po ni tatalo pupu'u ua fa'alauiloaina e Kerisiano fa'aevagelia.

O Le Tagata Soifua o Keriso

O Sagata Telesia mai Sepania o lona sulufaga ua tatou patipatia i le aso 15 o Oketopa sa fa'ailoa mai so'o o tatou e lē o ni agelu ma o tatou e i ai o tatou tino. O le mana'o e avea ma agelu i lenei 'ele'ele e fa'avalevatea. O le mea ua sili le taūa o le fa'amaopo mai lea o le koluse ma ia musu e tu'ua Iesu i ona fa'amasinoga ma tofotofoga. "Aua ne'i o tatou tu'ua o ia, ona o lona lava lima o le a fesoasaoni e si'i leleia i tatou i luga i lo tatou lava malosī." Ua ia iloaina ituaiga o tatalo ua sili mo i tatou ma o le a mautinoa e aumaia iā i tatou pe afai tatou te tumau ai pea i le tauagafau ma fa'amaoni i lona finagalo.

O tatalo ua fa'aāta maia po o se aotelega ia o tatou olaga fa'aleagaga; o lo'o i lona ūte. Afai o tatou olaga ua tatou avatu ma le naunauta'iga i lona finagalo, ia pe afai fo'i ua va'aia se popolega fa'atauva'a, ona tau lea o le tu'utō iā te ia, i lona Tagata, i ona fa'anaunauga uma lava, o le a tumau ai pea i tatou pe a fai tatalo. O tatalo o le avatu lea o 'oe lava ma le alofa i va'aiga mamā.

Fai mai Sagata Telesia o le Atua e fiafia e va'aia se agaga ua avea ma le loto maualalo i lona Alo o se puluvaga. O ia, e pei ona i ai, o le fa'atusa o le Tamā e lē va'aia ma afai tatou te manana'o i

O Le Tagata Soifua o Keriso

le mautinoga i lo le fa'afoliga, ua pau lea o le manatu ua tatau. Sa fa'apea mai Telesia o le filifiliga ua fa'avae lea i le fa'afitia o 'oe lava ma le lē talitonuina, o le mea lea e i luga o le loto mauualalo. E o'o lava ua si'itia le agaga i le manatunatuga, ua ia fa'auau, ua iloaina nei lona lē taūa ma fa'atasi ai ma Sagato Peteru ua fa'apea mai, "alu'ese mai ma a'u, ona o a'u o se tagata agasala". "O le fa'avae atoa o tatalo e tatau ona fa'avaeina i le loto mauualalo". Sa ia maumaututū pea o ona lava fo'i alofa'aga e lē tatau ma e lē feso'ota'i ma nisi taumafaiga e maua mai. O lona fa'afeagai lava, o ai lava e taumafai e fa'ateleina lona alualu i luma atonu e maua mai ai ni lelei i le taimi lava lea "ae o le a toe pa'ū mālīe ifo lava ona na te le'i fa'ata'otoina leleia le fa'avae."

O se onosa'i tele o le va'aia. Sa ia faufautua ma le mālū i fa'amasinoga ma naumati, o taimi pe a tatou lē mafai ona mafaufau lelei e uiga i mea pa'ia; ma o lenei o le fa'aogā lelei i o tatou olaga fa'aleagaga e pei o taimi o tatalo. Fa'atasi ai ma lona fa'autautaga tatau, e le'i fai mai e lē tatau ona tatou tatalo mo ni fa'asa'olotoga mai fa'amasinoga pe sa'ili lelei ina ia aveia ma fa'amaoni ma manatuaina; e tatau ona tatou fa'aeteete i le tatou aga'i atu i le afiō ai o le Atua. Ae "e lē tatau iā i tatou ona fa'apopolea i tatou lava i le oti pe afai tatou te lē mafaufauina se manatu lelei e tasi. O tatou o ni 'au'auna le aogā; o aso ua tatou manatu o ni a tatou malosī e ausia ai ni taunu'uga lelei? Ua pei tatou o ni tama'i asini o lo'o tosoina le auvili e asuina mai ai vai mai vai'eli, o lo'o ufitia mata ma e lē o iloaina po o a mea o lo'o latou faia e ui o lo'o asuina mai vai ma le tele. I le tu'uina atu o tatou i lima ole Atua, e tatau ona tatou savalia lenei auala ma le sa'olotoga...ua sili atu le manatu mai o le Atua iā i tatou i lo tatou lava mafai ona va'aia i tatou lava ma ua ia iloaina mea ua tatou ta'ito'atasi ona mafaia. O le a le uiga o le pulea e tatou lava pe afai ua tu'uina atu e se tasi o ia atoa i le finagalo o le Atua.

O tatou olaga fa'aleagaga ma tatalo ua mautū pe afai o lo'o fa'avae i le Puluvaiga e tasi, Iesu Keriso, o ia o le tagata ma le Atua. Afai o ia o le puluvaiga, afai o ia o le fa'atusa atoatoa fa'amaoni o le Tamā, ma ona o tatou papatisoga iā te ia, o tatou olaga ma tatalo e tatau ona mamanu e pei ona ia faia; ioe, ua aveina a'e i tatou i lona olaga ma tatalo. Ua fanau mai o ia, alofa, puapuaga, toe fo'i atu i le Tamā. Iā i tatou fo'i ua ia fanau mai, ua alofa atu i le Tamā ma le lalolagi i totonu o tatou; ua ia puapuagā i totonu o tatou ma ua tatou toe fo'i atu fa'atasi ma ia ma i totonu o ia i le Tamā. O lona mafua'aga o le vivi'i i le Tamā ma toe fa'afai maia le lalolagi iā te ia i le fa'ailoaina. O tatou fo'i, a tatou tatalo, ia potopoto i la tatou alolofa i le lalolagi atoa ma ofoina atu ai fa'atasi ma tatou iā te ia. Atonu tatou te fa'ailoaina i tatou fa'atasi ma le tagata a tatou tatalo ua tatou aumaia mea ola uma fa'atasi ma i tatou.

Ua tatou iloaina o le Tamā e alofa i lenei Keriso, lenei Alo alofagia o lē ua tatou feso'ota'i atu i ai ma ona tulaga o se tagata ua tatou fa'asoaina. Ma ona o le Tamā ma le Alo ua tasi, o le mea lea ua aumai ai i tatou i le la tasi'aga e le Agaga Pa'ia. Afai ole Atua iā Keriso ua faia i tatou e tasi ma ia, ma afai i o tatou loto ua tatou umia le lalolagi atoa, ona e ui iā tatou tatalo o le foafoaga atoa ua tu'ufa'atasia i le alofa i totonu o le Tasitolu Pa'ia. O tomanatunatuga tatalo i lenei auala, mulimuli ane ua lavea'ina le lalolagi; ae pe afai o se vaega o le tatalo na faia e Iesu, le Atua ma le tagata, na faia i le Tamā i le mana a le Agaga Pa'ia.

FA'AMOEMOEGA LEAGA

O le tuli'eseina o temoni, e ui i lea, e lē mana'omia mo i tatou ma e ui pe a mafai ona tatou tuli'eseina e leai se lelei mo i tatou pe afai tatou te ola fa'atamala. E to'atele, latou te fai mai iā te a'u i lea aso, "*Le Ali'i e, Le Ali'i e, matou te le'i perofeta ane 'ea i lou igoa, o lou igoa fo'i na matou tulia ai temoni, o lou igoa fo'i na matou faia ai vavega e tele. Ona ou ta'utino atu ai lea iā*

FA'AMOEMOEGA LEAGA

i latou, "Ou te le'i iloa lava outou; inā ō 'ese ia outou iā te a'u, o outou o ē fai amio leaga! (Mataio 7: 22 – 23).

Ua sili atu le lelei mo i tatou le taumafai e 'ave'ese atu le tu'inaanau o le faita'aga, ita, inoino ma le mimita i lo le tuli'eseina o temoni. I le ave'eseina mai o agasala fa'aletino e lē lava lea; e tatau iā i tatou ona fa'amamā le malosi mai totonu o lo'o nofo i o tatou agaga. *Auā e alu a'e mai le loto o le tagata o le manatu leaga, o le faita'aga, o le gai, o le fasioti tagata, o le mulilua (Mareko 5: 28), ma fa'apena ai – o mea nei e fa'aosofiaina ai tagata. E fa'apea fo'i, ai sē va'ai atu i le fafine ina ia mana'o i ai, ua uma ona mulilua ma ia i lona loto (Mataio 5: 28).*

E o'o lava e lē o faia e lou tino se mea, e mafai lava e le agasala ona gai i lou mafaufau. Afai e te'ea e lou agaga i totonu se osofaiga a Tevolo i se faiga tatalo, fa'amoemoega, manatuaina o ē ua maliliu, fa'anoanoa fa'aamioatua, fa'anoanoaga mo e ua maliliu, le tino fo'i ua tauavea lana fa'asoa o le pa'iaga, ina ua mauaina mai le sa'olotoga mai gaioga fa'atevolo. O le uiga leni ina ua fa'apea mai le Ali'i o sē ua fa'amamāina fafo o le ipu e le'i fa'amamāina totonu, ae a fa'amamā totonu, ona mamā atoa ai lea o le ipu (Mataio 23: 25 – 26). Ia taumafai malosi ina ia fa'amautinoa o taumafaiga mai totonu o le finagalo lea o le Atua, ma o le a e fa'ato'ilaloina le tu'inaanau ua alu atu i fafo. Afai e pa'ia le a'a, e fa'apena fo'i lalā (Ioane 15: 5). Afai o le fa'afefete e pa'ia, e fa'apenā fo'i le paluga (Kalatia 5: 9). *Afai e savavali outou i la le Agaga, fai mai ai Sagato Paulo, ona lē faia lea e outou o le tu'inaanau o le tino (Kalilaia 5: 16).*

Aso Sa Luasefulu – Ono o le Tausaga

E lē afaina lava po o ai i tatou, mua iā i tatou le sa'olotoga e fai atu ai 'ioe' po o le 'leai' i le Atua ma le tomā e salamō ai ma suia tulaga o tatou olaga. Po o le a lava o tatou lava ua pulea a tatou amioga ma tali atu i o tatou fa'aletonu. E sau le aso o le a tatou tutū ai i luma o le nofoa fa'amasi-no ale Atua ma tali atu i o tatou lelei ma o tatou fa'aletonu. O le Tala Lelei fa'atasi ai ma le fesoasaoni ale kalasia ale Atua e mafai ona suia o tatou olaga mo le lelei. O uiga 'ese'ese a atali'i e to'alua ua aumai ai iā i tatou se mafua'aga e mafaufau lelei ai ona pe tatou te fiafia i ai pe leai, o lo'o i ai se fefifilo i uiga e lua ua tatou maua. E to'aititi lava nisi o tatou e mafai ona fai mai a vala'auina i tatou e le Ali'i ua tatou sauni ma fiafia e tali atu, 'O a'u leni le Ali'i e, ua ou sau e fai lou finagalo.' Ua ta'u maia e le evagelia iā i tatou o tāga e leo tele atu i lo upu. Afai o le 'au atu i Aso Sa e lē fa'atasi ai ma le ola kerisiano lelei, o mea ua tatou ta'uta'u atu e talitonuina e leai sona tau ma ua na o se upu ua lafo po o ni folafolaga nofonofovale e leai se tau. Ua tatou lafo ni upu ae le o suia o tatou loto.

O le sauniga ua fa'ailoa mai e tatau ona i ai se feso'ota'iga i le va o mea ua tatou tautala atu ai ma mea ua tatou faia. Na faitioina e Iesu le au ta'ita'i lotu o ona aso ona ua 'alo 'ese mai iā latou matafaioi ma sa manatu sa manana'o e faia le finagalo o le Atua. O a latou folafolaga sa leai se uiga ona sa latou lē tausia i ai ma o se i'uga o la latou faigamalaga atu i le Atua sa le taunu'u. I se tausilaina a'ia'i na fai atu Keriso o la latou tausia o le tulafono o se fa'aaliali ma sa sili atu le fa'amaoni ma se sauniuni tele e talia le vala'au mo le salamō i tagata fa'ate'aina. "E moni ou te fai atu iā te outou, E muamua atu tagata ao lafoga ma fafine talitane iā te outou i le malō o le Atua."

O se tala leni mo augatupulaga uma. O le ala o folafolaga e le'i tausia o tatou ta'itasi na tu'ua ua fa'asino lea i le lē talafeagai i mea ua tatou folafolaina atu ma mea ua tatou faia. I

ASO SA LUASEFULU—ONO O LE TAUSAGA

fa'apopotoga Kerisiano anamua o le taufa'aleaga o suli ta'utino a le ekalesia sa le fa'ataunu'ui-na a latou folafolaga na lagonaina tele lava. O le lesona ua ofoina mai e le evagelia iā i tatou e fa'apea e mafai ona tatou fai atu 'ioe' i le Atua i aso Sa ma liliu atu o tatou patua i mea ua tatou ta'uta'u i le vaiaso atoa.. O le to'atele o tatou ua fai atu 'ioe' i le Tino o Keriso e lē o mailoaina o la tatou te fai atu 'leai' i le fa'apopotoga a Keriso pe a tatou taunu'u i le faitoto'a ole falesā, o ni fe'ese'ese ua leva i le va o aiga ua le mafai ai ona tatou talanoa atu i se tuā'oi. O se ulugali'i fa'atoa fa'aipoipo e leai se fa'afitauli i le fai atu 'ioe' i le aso o le la fa'aipoipoiga ae ua faigatā tele ona tausia a la folafolaga e ala i fa'aletonu o le olaga. O le tofotofoga o la tatou fa'amaoni iā Keriso o le tausia lea o folafolaga ua tatou faia ma talia lona finagalo po o le a lava.

Aso Sa Luasefulu – Fitu o le Tausaga

A mafatia tele matua ina ua lē amana'iaina e a latou fanau atonu latou te fa'aleoina mai le tagi a Isaia i le faitauga muamua o le asō: Se a 'ea se mea e toe faia mo la'u fanau ou te le'i faia?' E leai si tigā ua sili atu le malosia po le mafatia i lo le te'ea. Ua pei o se pelu ua tuia ai o tatou loto ma tu'ua i tatou ua fa'amanu'alia. O le te'ea o se mea ua tatou maua uma ai i o tatou faigamalaga e ala i lenei olaga ma o Iesu sa afaina ai fo'i. O le moni mata'utia o le Alo o le Atua na sau i le lalolagi nei, fa'aali lona alofa i auala 'ese'ese ma na te'ea. I lenei evagelia mata'utia ua tu'uina atu i tatou i le moni o le Atua na faia mea uma mo tatou o ona tagata ile auina mai o lona Alo e ola ai fa'atasi ma i tatou. I le taui atu na liliu o tatou tua ma leai se loto fa'afetai po ose popole po se manatu alofa.

E lē tau mafauauina le va'aia o tatou lava i lenei fa'ata'oto. O tatou ta'ito'atasi o ni tagata ma-totogi, galulue i ni vaega itiiti o le togāvine ale Atua ma seleseleina pe a taunu'u mai le taimi mo seleselega ua fa'amoemoeina i tatou e fua mai ai ni fua o le ola lelei, i le fa'ailoaina atu o manatu i isi, fa'asoa ma fa'aali atu le agalofa a le evagelia i o tatou olaga. I le faia o lea ua tatou fa'atinoina i vaiaso mea ua tatou ta'uta'u atu tatou te talitonuina i taeao o aso Sa i le Misasa.

O lenei fa'ata'oto ua lu'itauina ai i tatou e fa'aauau pea le galuega i le 'au'auna atu i le Atua ae le fa'atamala. E mafai ona tatou su'esu'e i o tatou loto e va'ai po o tatou faia mealofa a le Atua o le alofa. E fa'anoanoa tele le Ali'i pe a tatou nofonofo ai pea i le fa'apaiē ma lē talisapaia le lālelei o tatou olaga, le olioli a o tatou aiga ma lona alofa a'ia'i. O le a i ai le aso mo fa'amasinoga mo tatou uma. O le taimi o le a sau o le a tatou tali atu ai i auala sa tatou fa'atinoina ai galuega na tu'uina mai e le Atua iā i tatou. O le a la pe afai i le i'uga o le olaga e leai se mea tatou te ofoina atu i le Ali'i ae o vine 'o'ona o le olaga ale fa'apaupau. O le a tatou titigaina se tagata matagofie i le fa'atauva'a, leai o se fa'afetai, manatu fa'apito ma le tu'ulafoaina ma leai ai sona aogā i le Atua. Ua popole Keriso ua tatou tali atu i lana apili mai ina ia fua mai ni fua ma avea o se seleselega tele ma le lālelei.

Aso Sa Luasefulu – Valu o le Tausaga

Tatou te misimisialofa atu i lenei tagata mativa mai le tala o le evagelia na tosoina mai le auala ma avatu i le fiafia a se fa'aipoipoiga sa avea ai o ia ma se tagata 'ese, ma na mauaina ai o ia i se fa'aletonu ona e le'i lelei ona la'ei mo le sauniga. E fa'apefea ona ia mauaina ni la'ei talafeagai i se taimi fa'avave fa'apea? Ua tatou misia le 'autū pe afai tatou te mafauauina o le fa'ata'oto e uiga i le ofuina o lavalava tataui i se fa'aipoipoiga. O le fe'au e sili atu lona loloto ona o le fiafia o lo'o fa'asino lea i le olaga e fa'avavau i le malō o le lagi. O lo'o fai mai Iesu, a o fa'amatala mai e le Atua le Tamā le faitoto'a o le lagi ma vala'au mai tatou uma i lona malō, o le ulufale atu

Aso Sa Luasefuluvalu o le Tausaga (fa'aauau mai pasina 9)

e lē otometi ma e lē tatau ona manatu e sa'oloto mo se isi i so'o se taimi. E lē fa'apena lona faigofie, ona e tatau ona tatou galulue aga'i atu i o tatou auala, sauniuni fa'aleagaga ma fa'amaonia o tatou lava ua talafeagai mo le vala'aulia. E le gata i lea e leai se avanoa mo le manatu fa'apito ona o le avefa ma suli a le ekalesia e lē fa'amautinoaina le fa'aolataga. O la tatou vala'auina atu i le malō ale Atua na tu'uina mai mole taimi muamua a o tatou ofuina o tatou ofu o papatisoga. O le ositaulaga ua ta'ua mai ua fa'aofuina i tatou ia Keriso. Ae o le papatisoga o le taimi muamua lea o le vala'auina ia fa'aoga o tatou olaga e pei o Keriso. Ua vala'auina i tatou i aso ta'itasi e mulimuli atu i le Atua ma la tatou tali o le galuega mo le olaga atoa. O ofu o le fa'aipoipoiga o se fa'aailoga o se olaga i tulaga vae a Keriso. O le fesili e tatau ona tatou fesiligia ai i tatou lava: o fa'apefea ona tatou ola ai lena olaga? O le au Iutaia na faia le mea sesē matuiā o le fa'amoemoe tele i le latou matafaioi fa'apitoa o ni tagata filifilia ale Atua ma e le'i fa'amaoni ile tauaveaina o lea mealofa. E mafai fo'i ona avefa lea ma a tatou tala pe afai tatou te manatu ona ua papatisoina i tatou ma tatou 'au atu so'o i lotu ua lava lea. A o tatou aga'i atu i matafaioi masani i aso ta'itasi ina ia lelei a tatou aiga ua faigofie ai ona galo atu le Atua i o tatou manatu.

O lenei evagelia ua tatau ai ona mafua iā i tatou ona se'i malolō ifo ma mafaufau e uiga i le lumanai'i matagofie e mafai ona tatou pa'i atu i ai. O lo'o ta'u maia iā i tatou o lo'o fa'atalitali mai le Atua mo la tatou malaga atu i le aiga moni i le isi lalolagi. I le taimi nei le tasi o mea ua tatau o le faia ma le mautinoa tatou te taunu'u ma le saogalemū i le tali atu i lona alofa. O taimi ua tatou latalata atu i lenā alofa o le sau lea i le Misasa e talia le Tino a Keriso i le Komunio Pa'ia ma o a tatou olaga i aso ta'itasi ua tatou manuia i avanoa o le fa'asoa i le soifua o Keriso. I le amataina o tatou aso ta'itasi i le tatalo po o le talosaga mo ana fa'amanuiaga ae tatou te le'i 'a'ai, ofo atu le fa'amalosi'au ma le lagolagosua i o tatou tuā'oi i fa'apotopotoga laiti o a tatou olaga, ua tatou fa'asoa atu lenei taimi pu'upu'u o le patipatia o le Eukalisitia i vaega uma o a tatou aso. I lenei auala ua tatou lē feagai atu ai i le olaga na o tatou. Ua tatou savavali fa'atasi le tasi ma le isi ma Keriso.

10

Aso Sa Luasefulu – Iva o le Tausaga

Ina ua fa'aoga e le au Farasaio le igoa o Kaisara i le latou finauga ma Iesu, o se taumafaiga potō e mailefa ai o ia e faia se fa'aupuga e fa'asalaina ai o ia. Sa le'i i se tulaga lelei ona a fai mai o lafoga e tatau ona totogiina o le a va'aia o ia o se fa'alata i lona atunu'u, ae o se tineia o le tu'uina atu ai o ia i le falepuipui o se fili a Roma. I le malamalama i lo latou loto leaga, sa ia 'alo 'ese mai ai le mataupu ma tata'i atu le va'ai i le fa'atusa o Kaisara i le tupe ma fa'apea mai: 'O lenei, o mea a Kaisara, ia outou avatu iā Kaisara; a o mea a le Atua ia avatu ia i le Atua.' Sa ia lu'itauina i latou e avatu a latou matafaioi i le Atua i se faiga fa'amaoni o se latou noataga i le sitete. O le Atua ma Kaisara ua tofua ma le aiā iā i tatou, e lē tatau i le tasi fa'amaoni ona ave'esea le isi. E lē o fa'ama'oti maia po a mea e aofia ai le laina ua vavae ai la tatou tiute i le Atua ma a tatou noataga i le sosaiete.

Ua fa'amanatu mai e le evagelia iā i tatou o tatou o suli a le malō ale Atua ma sitiseni o le atunu'u ua tatou aumau ai, fa'atasi ai ma noataga i vaega ia e lua. Ona o tatou o Kerisiano e le gata o tatou o ni suli a le ekalesia ae fa'apea fo'i o ni suli a le sosaiete. O vevesi e mafai ona tupu i le va o a tatou fa'amaoni i le Atua ma a tatou tiute i o tatou atunu'u aemaise lava pe a pa'i atu fesili fa'apolokiki i le fa'atuatua ma le amio tonu. O faiga fa'alelotu ma polokiki e fefifilo ma fesopota'i, o le mea lea o fesili e uiga ile lotofuatiaifo e masani ona aumai i luga. I nei faiga e tatau iā i tatou ona fa'amuamua le Atua ma ana tulafono tusa lava pe tu'u atu ai i tatou i ni fete'enaiga ma le malō. Ua noatia i tatou e aumai le evagelia a Iesu i vaega uma o tatou olaga. E masani lava o fete'enaiga o aiā e seāseā ma o tatou fa'amaoni i tulafono a lo tatou atunu'u e le tatau ona fete'ena'i ma la tatou usitaia o le Atua. O se Kerisiano lelei, i le tumau ai o ona mafaufauga i le lagi a o maumaututū o ia i le lalolagi nei, e mafai ona alofa atu i le Atua ma le atunu'u ma fa'atuatua ai pea i vaega ia e lua.

O le olaga Kerisiano i le lalolagi nei e tatau ona i'u i le avatuina o se leo autū i le sosaiete. Ua filifilia i tatou o ni lima lavea'i a Keriso ma ua vala'auina e tala'i le tala lelei i auala 'ese'ese i tulaga

Aso Sa Luasefulu—Iva o le Tausaga

‘ese’ese. O tagata uma e tatau ona fa’aalia se popolega mo le saogalemū o le sosaiete. O le ola ai i se lalolagi e lē atoatoa lona lelei ua fa’aalia mai ai le mana’omia e ali’i ma tama’ita’i kerisiano i olaga lautele e lē fefe e fa’amatala atu o latou fa’amaoni i le Atua i vaega tau sosaiete ma le fa’alelotu. O la latou va’aiga fou ua fa’ailoa mai ai le taūa fa’aleagaga o le lē va’aia e isi. O le taunu’uga ua sili lona taūa mo tatou uma o le galue lea agai atu i o tatou fa’aolataga. O se taumafaiga mo le olaga atoa e avatu i le Atua mea ua tatau ona avatu i ai. O se mea lenei e tatau ona taofiofi i o tatou mafaufau. I le tumau ai pea i lo tatou fa’atuatua, i le aiga ma i le olaga laua’itele, ua tatou fa’ailoa atu ai o a tatou tau i lē sa’ilia i lenei lalolagi. Afai sa tatou fa’atamala nei faiga ua tatau nei ona tatou amata i le sau i luma ole Atua i lenei Misasa i le fa’atuatua ma ofo o tatou lava atoatoa iā te ia fa’atasi ai ma Iesu Keriso i le aletale.

Aso Sa Tolusefulu o le Tausaga

Ua fa’ailoa mai e le evagelia ni poloa’iga o lo’o fa’amatalaina mai e Iesu o ni silisili uiga ‘ese: Alofa o le Atua ma le alofa o le tuā’oi. E lē afaina pe fa’afia ona tatou fa’alogoina nei upu ua tau ai tatou e le mana’oga ua tu’uina mai e nei upu iā i tatou. Ua aumai fa’atasi e Iesu le alofa o le Atua ma le alofa o tatou tuā’oi o se mea e lē tu’u’ese’eseina e pei o itū e lua o le tupe siliva e tasi. O le alofa o le Atua, o lē tatou te lē va’aia, e pepelo pe afai e lē o fa’atasi ma le alofa i tagata ua tatou feagai atu i ai i aso uma i nofoaga ua tatou aumau ai. O tatou tuā’oi e lē o aumaia i totonu e lē o se manatu mulimuli ona na ala mai i tagata i o tatou si’osi’omaga ua feso’ota’i mai ai le Atua iā i tatou i aso ta’itasi. O lo’o tu’itu’i mai pea e le Tusi Pa’ia le fe’au so se ‘tasi e fai mai e alofa i le Atua ma ita i lona uso o se pepelo’ (1 Ioane 4: 20 – 21). E lē mafai ona tatou ta’ua i tatou o Kerisiano ma fa’aauau pea le fa’akoluseina o tatou tuā’oi.

O le alofa atu i o tatou tuā’oi e pei o tatou lava o se elemene tatau i le tu’uina atu o tatou loto ma mafaufau i le Atua ma o i’inā o lo’o ta’oto ai le lu’itau. E matagofie i le manatu ae faigatā ona fa’atino. O le alofa atu i lou tuā’oi o se lu’itau aemaise pe afai o tagata i ou tuā’oi e su’esu’e ma o latou fanau e lē mafaufau, ae le ta’ua ai se tagata e faigaluega fa’atasi o lo’o taumafai e fa’atiga loto mai. O le fa’ailoa atu o le alofa i tulaga fa’apea e faigatā tele ma e mana’omia se taumafaiga tele ae e tele lava, tatou te feiloa’i atu i le Atua i feiloa’iga fa’apenei. Aua ne’i sesē ai se isi, o la tatou talitonuga fa’alelotu ua aveva o se sola’aga ma la tatou pa’iaga o se fa’afoliga afai tatou te tatalo i aso ta’itasi, alu i le lotu i aso Sa, ae vavae’ese mai i tatou mai tagata o lo’o tapua’i i falesa e fa’atasi ma i tatou. E popole le Atua pe fa’apefea ona tatou feiloa’i atu i isi. O tagata uma na faia i lona fa’atusa.

O lenei taeao ua fesiligia i tatou ina ia toe va’ai lelei i na tulimanu apologia ma pupuni o tatou olaga ua tapunia maia i tatou mai le Atua. Ina ia ta’uta’u atu tatou te alolofa atu i le Atua a o tumau ai i le lē manatu mamafa i puapuagatia a isi o se fete’ena’iga. Tatou uma e manana’o i le alofa e leai ni ona mātutui, mafolafola ma le veloveta i le pa’i atu i ai ae afai tatou te mulimuli iā Keriso o le a tatou iloaina e a’afia ai le faitaulaga ma le fa’apaologia a le koluse. O lo’o fa’atalitali mai le alofa i le au matutua, tausia le au mama’i, fa’aleleia ni fe’ese’esea’iga ma faia se taimi e fa’alogo ai i le au loto mafatia. E itiiti lava ua manatu e mauaina le alofa i le au vaivai, ia i latou e leai se malosia ma le au puapuagātia ae o vaega na o lo’o i le fatu o le fe’au a Keriso i le lalolagi. Mai lona fanau mai i le fale manu o se tasi e leai se aiga, aga’i atu i lona maliu i le koluse o se pagotā, e masani ia Iesu ona fa’ailoa o ia fa’atasi ma le au fa’aleagaga, i le tino ma le au matitiva o lenei lalolagi. O lenei evagelia e lē o se lelei fa’amemelo ae o se au-ala o le olaga ina ia ola ai pe afai tatou te savavali ma le agamaulalo fa’atasi ma la tatou Atua. O lo’o i ai se alagaupu tuai ua mae’a atu le po ua amata le aso fou pe a tatou maitauina o isi tagata o ni o tatou uso ma tuafafine.

Faitauga mo le Masina o Oketopa – 2023

Aso 1 Oketopa Aso Sa 26 Taimi Masani – Faitauga muamua – Esekielu – 18: 25 – 28.

Matua: A liliu ‘ese lē ua amio leaga i lana amio leaga, e fa’aolaina e ia lona agaga.

Salamo – 25: 4 – 5 (tali), 6 – 7 (tali), 8 – 9 (tali). Tali: Le Ali’i e, ia e manatua lou alofa muti-muti vale.

Faitauga lona lua – Filipi 2: 1 – 11. Matua: Ia iā te outou lenei manatu o iā Keriso Iesu.

Aleluia, Aleluia...Le Ali’i e, ia e tatalaina o matou loto, ia naunau i afioga a lou Alo... Aleluia.

Evagelia – Mataio – 21: 28 – 32. Matua: Mulimuli ane ua salamō ia, ua alu. E muamua atu tagata ao lafoga ma fafine talitane iā te outou i le malō o le Atua.

Tofitofiga o le Upu:

O le peseina o pese lotu o le tasi nei o autū o a tatou tapua’iga. O fatuga pa’ia e mafai ona fa’aosofiaina, tu’ufa’atasia ma fa’atonutonuina ai i tatou i le moni o la tatou fa’atuatuga. O se fai a’oga Kerisiano mai anamua sa faia sana fa’amatalaga e lē afaina o ai na tusia le telosia mo tagata. Na ona tu’uina o ia e tusia pese, ona anoanoa’i ai lea o lana fa’atosinaga i o latou mafaufauga.

12

O lo’o i ai se tala’aga mamalu ma le umi i pesepesega o se auala lelei o le ofoina atu o vi’iv-i’iga ma le fa’afetaimolia i le Atua. I le Feagaiga Tuai, o Miriama na ta’ita’i atua fafine Isaraelu i pese o le fa’afetaimolia i le uma ai o lo latou savaliga o le Sami Ulaula (Esoto 15: 20) O lo’o i ai le pese a Tepora (Mataupu 5), folafolaina le maoa’e o le manumalō a Isaraelu i le taua. O le pese sili ona lauiloa i pese uma a le tusi pa’ia o Salamo, o pese lotu sili le aso e 150. Ua latou fa’amatala mai ai ni fa’alogo’aga ‘ese’ese mai le vivi’i aga’i atu i le fa’afetai, mai le fa’anoanoa ile fiafia. Sa fa’aogā tele i faigataulaga a Iutaia ma na fa’auau ona avea ma vaega taūa i sauniga Kerisiano.

I lana tusi i Filipi ua faitāuina i le asō, ua ta’ua e Paulo mea na tautala ai le au atamamai o upu a se pese mai anamua na tusia i le uma ai o le toetū o Iesu. E taūa le faitauina fa’ametitasio o lenā pese ma manatu i le ‘oa ma le moni ulufia o lo’o i ai. Atonu tatou te pepese ai pe tolaulauina e tusa ai ma a tatou fati, ina ia tatou talisapaia atili ai.

O nei fuaiupu – le afa lona lua o le faitauga – o lo’o maua ai se tu’ufa’atasiga sa’o o le malaga a Iesu ma mea na tutupu ai mai Lana nofoali’i fa’aeaina i le lagi aga’i atu i le lalolagi, le mea sa ia “tauaveaina ai le va’aiga o se pologa” ma maliu ona o tagata. Ua a’afia ai fa’atasi i le tusitusiga mamalu o lana manumalō i le maliu fa’atasi ai ma “ua ta’uta’u atu e laulaufaiva uma lava” o “Iesu Keriso o le Ali’i.” O lenei pese mamalu tuai o lo’o i ai ni fuaiupu e lima o se tasi o ni fa’aupuga ua sili le fa’aosofiaina mai le Tusi Pa’ia. Fa’atasi ai ma lona fa’aogaina i lenei aso Sa, ua faitauina fo’i i tausaga uma i le aso Sa o le Pasio e amata ai galuega tele a le Vaiaso Pa’ia.

Talu mai seneturi ua tuana’i e to’atele ali’i ma tama’ita’i ua fa’auauina ona tu’uina atu ni musika i galuega pa’ia a Iesu, ina ia fesoasaoni ai iā i tatou e “si’i a’e o tatou loto i le Ali’i.”

Afai e lagonaina e te lē fia pese i falesā (e pei o le to’atele) manatua o le pese o se tatalo ma e leai se isi, aemaise le Ali’i, ua manatu iā ‘oe e te lē ponā. Afai o manu fēlelei i luga o la’au e lē pepese vaganā ua atoatoa le lelei, o le vao matua o le a leai se pisa.

O tatou taumafaiga ina ia ‘au ai atoatoa i le sauniga o le a ta’ita’ia i tatou e mata’itū i le

Faitauga mo le Masina o Oketopa – 2023

faitauga o le tusi pa'ia, le lauga ma pesepesega. O lo'o i ai se fe'au mo tatou i pese uma ta'itasi ua vala'auina ai i tatou e sa'ili, pese ma ola ai iā tatou malaga i aso ta'itasi aga'i atu i le Malō.

Aso 8 Oketopa Aso Sa 27 Taimi Masani – Faitauga muamua – Isaia 5: 1 – 7. Matua: O le tovine ale Ali'i o a'u, o le aiga o Isaraelu lea

Salamo – 80: 8, 11 (tali), 12 – 13 (tali), 14 – 15 (tali), 18 – 19 (tali). Tali: O le tovine ale Ali'i, o le aiga o Isaraelu lea.

Faitau lona lua – Filipi 4: 6 – 9. Matua: Ia iā te outou le Atua e ona le manuia

Aleluia, Aleluia...Le Ali'i e, ia e tatalaina o matou loto ia naunau i afioga a lou Alo – Aleluia.

Evagelia – Mataio – 21: 33 – 43. Matua: E tu'uina atu e ia le tovine i nisi tagata e galulue i vine.

Tofitofiga o le Upu:

Fa'atomuaga

O nisi o fa'ata'oto na a'oa'oina e lo tatou Ali'i ua maua i le tasi po o le lua o Evagelia mai le au Tusi Evagelia e to'afā. Ae e fa'apitoa ai le fa'ata'oto, o tagata mautotogi, o lo'o maua i le tolu – Mataio, Mareko ma Luka. O le Evagelia a Sagato Mataio ua folafolaina i le asō. O tagata mau totogi ua fai fa'ato'aga ma togāvine o se mea masani i tagata Iutaia i taimi o Keriso. E masani lava i tusitusiga fa'alelalolagi ua fa'aalia tagata Iutaia o le feagai atu ma ali'i e ana le tovine e lē va'aia. I leni fa'ata'oto fa'apitoa ua faitauina i le Misasa o le asō ua fa'aalia lē ana le togavine sa galue malosia ina ia lelei lana fa'atoaga. Na fa'ailoa mai e Keriso e pei sa ia faia se pā la'au e si'omia ai, eli se vine ma fa'atu se olo. I taimi o Keriso o se pa e masani o ni laina o matuitui po o ni pa ma'a ua si'osi'omia ai le fanua. I nisi o taimi o ni laina o ni la'au matuitui ua fa'atutū e puipuia ai le o mai o pua'a aivao sua ma fa'aleaga le togāvine fa'apea le au gaoi e tauina fua o vine.

Ua eliina e lē āna le togavine se lua: o i'inei e tatau ai le vine ma e masani e lua ni fata le tasi i luga atu o le isi ae e feso'otai fa'atasi. A tatau vine ile vaega i luga ona tafe mai lea o le sua i le vaega i lalo. E masani e fausia i piliki ma ma'a nei masini.

Mulimuli lava sa ia fausia se olo. E masani ona fausia i ma'a ma ufiufi i tauluga i lālā la'au. O leni olo ua maua i ai se fa'apaologa mo latou o lo'o galulue i le togavine ma o se nofoaga fo'i e leoleo ai mo le augaoi po o se isi e fa'aleagaina le togavine. I le mae'a ai ona fausia o nei mea i lana togavine ona lisi atu lea e lē āna le togavine i fai fa'atoaga mau totogi. I taimi o lo tatou Ali'i o fai fa'atoaga mau totogi e i ai lo latou agava'a i se vaega o le seleselega, ae o le tele ua noatia i latou e tu'uina atu i lē āna le fa'atoaga.

Ua malaga 'ese atu le āna le fa'atoaga, ae i taimi o le seleselega na te auina atu ana 'au'auna e aumai lana vaega o le seleselega. O le au fai fa'atoaga mau totogi ua latou fasi le tasi o 'au'auna, fasioti le lona lua ma tu'i ma'a le lona tolu. Sa ia auina atu isi 'au'auna ma ole i'uga lava e tasi. Mulimuli lava na ia auina atu lona atali'i e aumai le totogi. O latou ia na latou iloaina o le atali'i e tu'u i ai le fanua, na fasioti iā te ia, ma le fa'amoemoe e maua e i latou le fanua atoa leni.

Na fa'atusa e Keriso leni fa'ata'oto i le 'a'ai o Ierusalemia i se vaega o ositaulaga sili ma le au matutua o le malumalu. O lo'o manino mai le uiga. O lē āna le togavine ole Atua lea. O le au fai fa'atoaga mau totogi leaga o le au fa'alologologo iā te ia, o le au ositaulaga sili ma ē matutua sa ia fai atu i ai leni fa'ata'oto, aemaise lava, fa'apea le tagata Iutaia laua'itele. Na faia i latou e le Atua o tagata filifilia ma tu'uina atu iai ma le fa'atuatua le tiute o le sauniuniga o

Faitauga mo le Masina o Oketopa – 2023

le lalolagi mo le afio mai o Keriso. O ‘au’auna sa ia auina atu e ao mai lana fa’asoa o le seleseleg o perofeta o le Feagaiga Tuai. O le fasiotia, sasaina ma le tu’ima’aina o nei ‘au’auna o lo’o fa’asino i le faiga leaga o perofeta a le Feagaiga Tuai mai lima ale au Isaraelu.

O le atali’i o lē āna le togavine, le na fasiotia e le au fai fa’atoaga mau totogi, ua fai ma sui o Keriso. Na avatu e Keriso lenei fa’ataoto i le ‘A’ai Pa’ia i le Aso Lua o le Vaiaso Pa’ia, le vaiaso mulimuli o lona soifuaga fa’alauaitete. I nai aso, i le afiafi ole aso Tofi na mulimuli mai le Tausama’aga Mulimuli, le au fa’alogologo o le a auina atu fitafita e saisaia Keriso ma aumai o ia i luma o le au tusiupu ma le au ositaulaga ma Ponisio Pilato. O le aso na mulimuli mai ai o le a latou fa’akoluseina o ia.

Ina ua uma atu le fa’ata’oto a Keriso sa ia fesili atu i le ositaulaga sili ma le au matutua po o le a le mea o le a faia e lē āna le tovine i tagata leaga ia e galulue i lana tovine. Na latou tali mai, “E matuā fa’aumatia e ia na tagata amio leaga...” Ae i le latou amio atua pepelo, ua le mafai ai e latou ona aumai i latou lava e talitonuina o lo’o fa’asino Keriso iā i latou. O nisi atonu o lo’o fa’apea o lo’o fa’asino Keriso i le au Roma, latou ia ua pulea le Nu’u Pa’ia, po nisi o kulupu o tagata leaga.

Ona tolaulau atu ai lea e Keriso se faitauga mai le Feagaiga Tuai, mai le Tusi a Salamo: “O le ma’a lenei na fa’aleagaina e outou tufuga fai fale, ua aveā o ia ma ma’a tulimanu aupitoaluga.” O lenei alafua fa’aperofeta o lo’o fa’asino lea i le Keriso o le a sau ma o le a te’ea e le au Iutaia; o lo’o fa’asino i le Keriso o lo’o talanoa atu iā i latou.

Ina ne’i i ai se masalosologa e uiga i lana fe’au, o lo’o aumai sa’o e Keriso iā i latou o le malō o le Atua, fa’asino lea i tofiga o ni faia’oga ma ta’ita’i o le talitonuga Iutaia, o le a ave’ese mai ia i latou ma avatu i isi – se nu’u o le a fua mai ai se seleselega lelei tele.

14

I gagana ua manino lelei mai, sa perofetaina e Keriso lo latou pā’u’ū. Fai mai o ia o lo latou nofoaga o le a aveā e isi, tagata o nu’u ‘ese: e isi o le a toe fa’afoi maia se fa’asoa o a latou seleselega i lē ana le fa’atoaga. O latou o tagata filifilia a le Atua o le a sau i le Feagaiga Fou.

I le tomanatu ai i lenei fa’ata’oto, e tatau ia i tatou ona fa’amemelo le onosa’i a lē āna le fa’atoaga. Sa ia auina atu ni kulupu se lua o ‘au’auna ona soso’o ai lea ma lona atali’i e ao mai lana vaega o le seleselega ua talafeagai mo ia. I le tele o seneturi sa onosa’i pea lava le Atua i tagata Iutaia, auina mai le tele o perofeta e lapata’ia i latou ma soso’o ai lea ma lona Alo mamana e tala’i atu iā i latou. I le i’uga lava, mulimuli mai le maliu o lona Alo, o se faiga fou ua fa’avae. O le togavine ua tu’uina atu ma le fa’atuatuga – i tagata o nu’u ‘ese.

O tatou o Kerisiano i nei aso o ulua’i sui o tagata mai nu’u ‘ese sa mulimuli iā Iesu. O le tausia o le togavine ale Atua ua tu’uina mai ma le fa’atuatuga i o tatou lima. Mulimuli ane, i le taimi o le seleselega, o se tala o tatou fa’atuatuga ua faia mai ia i tatou. O le a se tali o le a tatou mafai ona faia i le fa’amasinoga ale Atua? O le a mafai ona tatou tali atu sa tatou ola ai se olaga Kerisiano lelei. Pe mafai ona tatou fai atu sa tatou galulue ma le fa’amaoni i lana togavine? Pe mafai ona tatou tali atu o la tatou fa’atuatua na aumai ai ni fua lelei? Pe mafai ona tatou tali atu o mana’oga o tatou olaga ua fa’ateleina le mamalu ma le pa’ia o le Atua – le mafua’aga na ia tu’uina ai i tatou i le togavine. Fesili lava tatou iā i tatou – o a fua po galuega lelei ua tatou faia i o tatou olaga e fa’aailoa ai le vivi’i i le Atua? Afai e lē mafai ona fai maia se tali lelei i lenei fesili, atonu ua o’o mai le taimi e suia ai. Taimi e faia ai ni suiga i o tatou olaga. O le Atua e lava onosa’i. Ae ui i lona onosa’i o le aso o le fa’amasinoga o le a taunu’u mai. Ua na o latou na toe fo’i atu iā te ia o se seleselega lelei o le a fa’asao atu i lona aiga e fa’avavau i le lagi. Fa’amanuia le Atua ia te outou uma.

Aso 15 Oketopa Aso Sa 28 Taimi Masani – Faitauga muamua – Isaia 25: 6 – 10. Matua: E faia e le Ali’i le tausamiga; e soloi’esea fo’i o loimata i mata uma lava.

Faitauga mo le Masina o Oketopa – 2023

Salamo – 23.: 1 – 3 (tali), 4 (tali), 5 (tali), 6 (tali). Tali: Ou te nofo i le fale o le Ali'i i aso e tele lava.

Faitauga lona lua – Filipi 4: 12 – 14, 19 – 20. Matua: Ou te mafai mea uma lava ona o ia ua fa'amalosi mai iā te a'u.

Aleluia, Aleluia...Ia fa'apupulaina mata o tatou loto e le Tamā o lo tatou Ali'i o Iesu Keriso, ina ia tatou iloa le uiga o le fa'amoemoe ua i lona vala'au mai...Aleluia.

Evagelia – Mataio 22: 1 – 14. Matua: O i latou uma tou te iloa ai, tou te tala'i i ai le tausama'aga.

Tofitofiga o le Upu:

I le evagelia o le asō ua fa'ata'oto e Sagato Mataio le fa'ata'oto o le tausama'aga a le fa'aipoipoiga. O le tupu i le fa'ata'oto na vala'auliaina le tele o malō i lenei fiafia sa faia mo lona atali'i. Ae ina ua sauni le faiga'ai, o malō vala'aulia ua mumusu e o mai. I se taimi lona lua sa ia auina atu ana 'au'auna, fa'amanatu i malō vala'aulia o ana povi pepeti na fasia ma ua tapena mea uma. Ae sa mumusu i latou e o mai. Se tasi na alu atu i lana fa'atoaga, o le isi i lana pisinisi. O nisi sa fasi i 'au'auna, o nisi na i'u lava na fasiotia. Na matuā ita tele le tupu i nei faiga. Sa ia auina atu ana fitafita e fa'atāma'ia ma fasioti tagata ma susunu a latou 'a'ai. I le uma ai o nei faiga na ia auina atu ana 'au'auna i ala 'ese'ese ma valaulia so'o se isi e tau atu i ai e fa'atumulia le fale o lo'o faia ai le fa'aipoipoiga. O le sau a le tupu i le taumafataga fiafia, sa va'ai atu i se ali'i e lē o lelei ona la'ei mo le fa'aipoipoiga. Sa fa'atonuina ana 'au'auna e saisai ma lafoia o ia fafo i le pogisā.

O lo'o 'aufa'atasi le au fai telosia i le uiga o lenei fa'ata'oto. O le tupu ua faia le taumafataga fiafia o le Atua silisili'ese. O le fiafia ole fa'aipoipoiga sa ia vala'auina atu i ai i latou o sulī o le Ekalesia a Keriso. O latou sa muamua vala'auina, o latou sa mumusu e 'au mai i ai, o le to'atele o tagata Iutaia. O le fasiotia o ana 'au'auna o le sulī lea o le fa'akoluseina o Iesu ma le maliu maletile ma puapuagā sa faia i ona so'o. O le 'au vala'aulia na aumai mai le auala o sui ia o tagata mai nu'u'ese. O le tagata e le'i lelei ni ona lā'ei ua fa'aailoa mai se sulī o lana Ekalesia ua sau i le sakalameta i se tulaga o le agasala matuā i lo le kalasia fa'apa'iaina.

Maitau le mao'e o lenei vala'auliaina i le fiafia o le fa'aipoipoiga ua aumai iā i tatou. Mai le aso na tatou fananau mai ai o tatou o ni pologa i le agasala, fa'atau atu i lenei pologa e le agasala tu'ufa'asolo a o tatou ulua'i matua. Ua avea i tatou ma tagata 'ai fa'aleagaga. A o lenei ua tatou mauaina se vala'aulia i le taumafataga ale fa'aipoipoiga – o se vala'aulia i le taumafataga i le olaga fa'aleagaga. O lenei vala'aulia o se 'ave o kalasia ma le fa'amoemoe. O se vala'aulia mo tatou ina ia avea ma tagata pa'ia ale Atua – o se vala'auliaina e ulufale atu i le malō o le lagi.

Ua vala'auina i tatou e 'au atu i le fiafia ua faia e le Atua. Ua ofoina mai iā i tatou se faiga e si'itia a'e ai i luga atu o le malō fa'alalo nei o le a tatou ola ai ma avea ma sitiseni a se malō fa'alelagi. O se avanoa tatou te le'i mauaina, o se avanoa e lē talafeagai ma i tatou ae o lenei avanoa ua ofoina mai iā i tatou ona o le agalelei ma le alofa o le Atua.

O le fa'asologa o le tala a Mataio ua ta'u maia se malō fa'aaloogia na ulufale atu i le fiafia e aunoa ma ni lavalava lelei. O lenei ua na pau lona uiga o lona agaga e le'i i ai i se tulaga o le kalasia fa'apa'iaina – ae le gata i lea o ia ua i se tulaga o le agasala matuā. O le au fai manatu anamua i lenei Tususiga Pa'ia na manatu o lenei e fa'asino ia Iuta le Sekara, se tasi o le Toasefululua na fa'alaina lo tatou Ali'i. Ae ui i lea, i se manatu lauaitale, e mafai ona fa'asino i so'o se Kerisiano ua telē le agasala i lona agaga. So'o se Katoliko ua taumafai e aga'i atu i le Komunio e talia le tino o Keriso ma lona toto a o lo'o i ai se agasala mamafa ua leai se

Faitauga mo le Masina o Oketopa – 2023

la'ei mo le fa'aipoipoiga. O gaioiga a se Katoliko fa'apenei ua fa'ailoa ai lona manatu fa'atauva'a i le fa'akoluseina o Keriso, i puapuagātia na tauave e Keriso e fa'asa'olotoina ai i tatou mai le agasala. O se tagata fa'apenei o le faia se Komunio ua lē pa'ia. Tatou talosia le Atua o se taliaina o le komunio e lē tatau e lē taunu'u. Ae afai e taunu'u, ua tatou iloa le ala matuiā o le a aumai. Na fa'atonuina e le tupu tagata ua saisai ona lima ma vae e lafo i le po e tagi ma lilivau ai ona nifo. O le fa'asalaga o le fa'aleagaina o mea pa'ia o mafatiaga e fa'avavau.

Se tasi o sagata sa tatalo i lona olaga atoa e masani mo i latou ua a'afia i le fa'aleagaina o mea pa'ia o Sagata Telesia o Lisieux, le Fuala'au La'ititi. A o laititi o ia, sa fa'alogo Sagata Telesia i se tagata soli tulafono matuiā o le a fa'asalaina i le oti. E ui o se Katoliko, a o lenei pagota solitulafono sa te'ea ni fesoasaoni uma fa'alelotu na ofoina atu i ai. Sa ia te'ea sakalameta. Sa tatalo fa'amaoni Telesia mo ia. Ae le'i maliu o ia sa ia lotomalie ma na talosagaina se faife'au.

O tatou uma lava ua vala'auina i le fiafia ale fa'aipoipoiga. Ia tatou talia ma le fiafia lenei vala'aulia, ae ia tatou mautinoa o lo'o tatou ofuina lavalava mo le fa'aipoipoiga – o tatou aga-olo'o fa'aofuina i le kalasia fa'apa'iaina.

Aso 22 Oketopa Aso Sa 29 Tausaga Masani – Faitauga muamua – Isaia 45: 1, 4 – 6. Matua: Ua ou taofia le lima taumatau o Kuresa, ia fa'ato'ilaloina nu'u i ona luma

Salamo – 96. 1, 3 (tali), 4 – 5 (tali), 7 – 8 (tali), 9 – 10 (tali). Tali: Ia outou avatua i le Ali'i le vi'iga ma le malosi.

Faitauga lona lua – 1 Tesalonia 1: 1 – 5. Matua: Ua matou manatua la outou galuega i le fa'atuatua, ma le fa'amalosi i le alofa, ma le tumau pea i le fa'amoemoe.

Aleluia, Aleluia...Ia fa'apupulaina mata o tatou loto e le Tamā o lo tatou Ali'i o Iesu Keriso, ina ia tatou iloa le uiga o le fa'amoemoe ua i lona vala'au mai...Aleluia.

Evangelia – Mataio 22: 15 – 21. Matua: O mea a Kaisara ia outou avatu ia Kaisara; a o mea a le Atua ia avatu ia ile Atua.

Tofitofiga o le Upu:

A o tatou tapena atu mo le faiga palota o lo'o loma nei i Aotearoa, e anoanoa'i le gagana ua fa'aogaina e uiga i tulaga tauolooa o sulii ta'itiasi, ma le tele o fa'aupuga fa'alau'itele ua fa'aalia. Ae masalomia, e ui i lea, pe afai o i ai ae na o nai tagata ua fa'apea mai o se tasi o sulii o le Mesia! Ae o le va'ai mamao lenā mai le faitauga mai iā Isaia. O Kuresa le tupu o Peresia – o se ta'ita'i e malosi toe lelei na fa'ato'ilaloina le Malō o Papelonina ma fausia se malō tele na fa'avae i taua ma le malosi o 'au fitafita. Ma na ala mai le perofeta ua fa'ailoa mai iā i tatou: 'O lo'o fa'apea mai ona fetalai mai le Ali'i i lē ua fa'au'uina e ia, o Kuresa.' O lē ua fa'au'uina o le Mesia i le fa'a – Eperu po Keriso i le Eleni. E pei ona fai mai le faitauga, o Kuresa e le'i i ai sona iloina – po o le fia iloa o le Atua o Isaraelu, ma o le Atua lava ia na mafai ai e Kuresa ona tula'i mai le pule ona o la'u 'au'auna o Iakopo. O Kuresa o le 'aupega na mafai ai e le au fa'aunu'ua ona toe fo'i mai i aiga ma toe fausia Ierusalem ma ona Malumalu ma toe fa'avaeina lona fa'asinomaga o tagata ale Atua. Iā tatou aganu'u fa'aonapo nei tatou te taumafai malosi e fa'a'ese'ese mea fa'alelotu ma le fa'alalolagi nei, ae o se manatu e le'i atu lea. Mo Isaia o se masani lelei atoatoa le manatu o le Atua o le a fa'aogaina so'o se isi ma so'o se mea e fa'atino mai ai ana fuafuaga. O le au Farasaio ma le au Heretiano na taumafai atu e maileia Iesu i le fa'aogaina o se tu'ua'iga tutusa fa'alelotu/fa'apolokiki. I le fesili atu mo se tupe siliva, sa fa'aleagaina le latou mailei, ona o le tupe siliva Roma ua tusia ai le fa'atusa a le tupu Roma (ma e lē masalomia o se tusitusiga o upu leaga) – se mea ua tete'e atu i le

Faitauga mo le Masina o Oketopa – 2023

tulafono. O upu mulimuli a Iesu ona me'i 'ese mai ai lea o le mataupu mai se mea e itiiti – se mea e uiga i le solia o le tulafono – aga'i atu i se atoatoa. E mafai ona finauina mea a Kaisara, ae mulimuli ane lava o mea uma o le Atua e āna, ma ua fa'aogaina, e lē mo le tauleleia o se isi po o ni lelei fa'apolokiki, po o le ausia o ni tulaga, ae mo le mafuaga silisili mo le Atua – 'ina ia iloa e le tagata, e afua mai i le mea e alu a'e ai le la, e o'o i le mea e alu ifo ai, e leai se tasi na o a'u'.

Aso 29 Oketopa Aso Sa 30 Tausaga Masani – Faitauga muamua – Esoto 22: 20 – 26.

Matua: Aua le agaleaga i se fafine ua oti lana tane, po o sē mātuaoti.

Salamo – 18. 1 – 2 (tali), 3 (tali), 46, 50 (tali). Tali: Le Ali'i e, lo'u malosi, ou te alofa lava iā te oe.

Faitauga lona lua – 1 Tesalonia 1: 5 – 10. Matua: Na outou liliu mai i le Atua nai tupua, ina ia outou 'au'auna i le Atua soifua.

Aleluia, Aleluia...Fetalai mai ia le Ali'i e, auā o lo'o fa'alogologo atu lau 'au'auna; o iā te oe upu o le ola e fa'avavau – Aleluia.

Evagelia Mataio 22: 34 – 40. Matua: E te alofa atu i le Ali'i lou Atua; e te alofa atu fo'i i lē lua te tuā'oi, e pei o oe lava iā te oe.

Tofitofiga o le Upu:

O le poloa'iga

Pe tatou te manatua ni aso e fa'auli, malulū, timuga mamafa ma ua lē sologa lelei mea uma? O ni aso ua foliga mai ai tafa'ilagi o le olaga ua pogisā i ou luma. Ioe o taimi fa'apenei e faigatā tele ona tu'uina le mafaufau i se mea e tasi. Ae pe fa'apefea sau tali atu, pe afai i lenā taimi ua e fa'alogoina upu mai le Evagelia o le asō: “E te alofa atu i lou Ali'i lou Atua, ma lou loto atoa, ma lou manatu atoa. Ia e alofa atu i lē lua te tuā'oi, ia fa'apei o 'oe lava iā te 'oe.”

I le Evagelia o le asō, o lo tatou Ali'i ua feagai lelei ma i tatou ma nei poloaiga e lua ua ia fa'amatalaina o ni silisili. E masalomia e i ai nisi o tatou le au fa'atuatua e lē talitonuina ana upu nei. O le mea moni lava e mafai fo'i ona tatou tusitusi uma nei faiga ina ia tatou taumafai ai e fa'atino nei manatu i o tatou olaga i aso ta'itasi.

O le fa'afitauli

Ae ia tatou fa'amaoni. I o tatou loto ua tatou iloa ina uma na taimi o le pogisā pe a pa'ū ifo mauualalo o tatou gaioiga i se mauualalo tatou te le'i fuafuaina. O na taimi e lē gata ua tatou lē alofa atu ai ae ua lē fiafia ma te'ea le Atua, o tatou tuā'oi, ma le tele o taimi o tatou lava.

O le a le mea ua tupu iā i tatou? Po o lea lava e lē tatau ona tatou loto vaivai ai. E o'o lava iā Sagato Paulo ta'uta'ua na pulea lona loto ma fa'ailoa mai le fa'afitauli lea. “*Auā ou te lē iloa mea 'ou te faia, auā o le mea ou te faia ou te lē i ai, a o le mea ou te inoino i ai o lea ou te faia*” (Roma 7: 15).

O le olaga nei ua fa'apena mo le to'atele o tatou. Ae fa'apefea ona tatou o 'ese mai ai? Fai mai nisi na ona fa'amalosi'au i lou loto, fa'atulaga lelei lou mafaufau ma ou fa'alog'aga ma fa'apea mai e mafai ona tatou faia nisi mea e sili atu. Ae o le fautuaga, ma o lenei e tatau ona fa'aoga o tatou poto masani laua'itele e lē talafeagai. E le talafeagai ona e lē o le auala lenei ua aumai e le Evagelia.

O Tusitusiga Pa'ia ua ta'u maia iā i tatou e tatau ona tatou amata mai le Atua – ae lē o tatou lava. “O le alofa lava lenei, e lē ona ua tatou alofa i le Atua, a ua alofa mai o ia iā te i tatou” (1 Ioane 4: 10). O se fa'avae moni a le Evagelia o le fa'ataunu'uga moni ua na o le alo-



Faitauga mo le Masina o Oketopa

fa o le Atua e maua i ai. Vaganā ua tatou taliaina o le Atua e alofa iā i tatou e pei ona tatou i ai, ma e lē fa'apefea ona tataua ona tatou i ai, o le a tatou lē mauaina iā i tatou lava le puna'oa e alofa atu ai i le Atua, o tatou tuā'oi ma tatou lava. O le paoa ma le malosi o le alofa o le Atua ma na o le Atua, e mafaia ona feso'ota'ia le va lea i o tatou olaga i le va o le lelei ma le mea moni.

E alofa le Atua iā i tatou e pei ona tatou i ai. O le iloa o lenei moni e suia ai o tatou olaga. Ona e taula'i ai lea o la tatou va'ai mai le fa'aletonu o le lē alofagia ma puapuagatia o ni vaega o tatou olaga i aso ta'itasi i le Atua e alofa iā i tatou. E pei o Kerisiano a Tesalonia i le faitauga lona lua o le asō, ua tatou a'oa'o mai ai "Ia fa'atali atu lona Alo mai le lagi, o lē na toe fa'atuina mai o ia, nai ē ua oti, o Iesu lea, o lē lave'ai mai iā i tatou i le to'asā atalī." Ua liliu atu la tatou va'ai i le Atua, ona ua ia alofagia i tatou, ua faia i tatou ma alofa'aga.

O le olaga la Kerisiano, e leai se mea e a'afia ai fua ma le lilivau o tatou nifo. E tataua ona tatou alolofa atu' e pei ona fai mai ai Sagato Ioane, 'ona ua ia alofa muamua iā i tatou.' O le Atua lava e muamua . O ia e muamua ofoina mai lona alofa iā i tatou, lona atamai, lana Ekalesia, o ana sakalameta. Aiseā la tatou te lē tu'uina atu ai iā te ia le fa'amuamua? Aiseā tatou te lē tu'uina atu ai o ia e alofa mai iā i tatou? O lona taunu'uga lava, ua na pau lea o le auala e mautinoa ai le ala atu i le pa'iaga moni.

Faitauga mo le aso Sa muamua o Novema - 2023

Aso 5 Novema Aso Sa Tolusefulu Tasi o Taimi Masani –Faitauga Muamua: Malaki 1: 14 – 2: 2, 8 – 10. Matua: Ua outou o 'ese i le ala, ma outou fa'atausua'i i e to'atele.

18 Salamo – 131: 1 (tali), 2 (tali), 3 (tali). Tali: Le Ali'i e, o 'oe lava ou te ffilemū ai.

Faitauga lona lua – 1 Tesalonia 2: 7 – 9, 13. Matua: Na matou mana'o i le fia avatu iā te outou e lē na o le tala lelei, a o matou lava ola fō'i.

Aleluia, Aleluia...Ia outou mataāla, auā tou te lē iloa po o le fea le aso e sau ai lo outou Ali'i...Aleluia.

Evagelia Mataio – 23: 1 – 12. Matua:Ua latou fai atu, ae latou te lē faia.

OFISA TUTOTONU A LE KAPELANISIA

Ta'ita'ifono: Pula Sapatu Sola Nei - +64275348083

Sui – Ta'ita'ifono: Kaietano Smith - +64226091196

Failautusi – Fa'afo'i Bell - +64212354741

Teutupe: Falega Lili'i - +642102936452

E- Mail: samoanchaplaincy@gmail.com

Mikaele Teofilo – 021 0818 5037